

Materijali za drugu redovnu sjednicu Skupštine u 2019.godini

Prema tačkama Dnevnog reda iz Poziva, dostavljaju se materijali za rad:

1. Usvajanje dnevnog reda, imenovanje zapisničara i ovjerivača**2. Odluka o usvajanju revizorskih izvještaja za 2019.godinu**

Dostavljaju se revizorski izvještaji u prilogu: Revizija finansijskih izvještaja i Revizija podudarnosti, u skladu sa članom 20. stav 1) tačka b) Zakona o kolektivnom ostvarivanju autorskog i srodnih prava.

3. Predstavljanje Godišnjeg izvještaja Udruženja Original za 2019.godinu i odluka o usvajanju

Dostavlja se Godišnji izvještaj za 2019.godinu u skladu sa članom 20. stav 1) tačka a) Zakona o kolektivnom ostvarivanju autorskog i srodnih prava.

4. Odluka o usvajanju korekcija Finansijskog plana za 2020.godinu

Zbog nepredviđenog stanja uzrokovano pandemijom COVID-19, predlažu se korekcije Finansijskog plana za 2020.godinu, koje se odnose na prihode i troškove poslovanja Udruženja Original. Korekcija je izrađena u skladu sa važećim zakonima te prema procjenama troškova i prihoda u 2020.godini.

5. Odluka o imenovanju Predsjednika Udruženja (mandatni period juni 2020- juni 2024)**6. Odluka o imenovanju Predsjednika Skupštine (mandatni period juni 2020- juni 2024)****7. Odluka o imenovanju članova Upravnog odbora (mandatni period juni 2020- juni 2024)****8. Odluka o imenovanju članova Nadzornog odbora (mandatni period juni 2020- juni 2024)**

U junu 2020.godine ističe mandat svih funkcija/organa Udruženja Original. U skladu sa Statutom Udruženja prikupljene su kandidature i dostavlja se popis kandidata/kinja prema organizaciji organa. Glasanje će biti provedeno na sjednici Skupštine.

9. Odluka o prijemu u članstvo novih članova po pristiglim Pristupnicama

Prema odredbama Statuta, redovnim članom može postati isključivi nositelj prava na naknadu za privatnu i drugu vlastitu upotrebu djela, bez obzira da li je fizičko ili pravno lice, a koji je povjerio Udruženju ostvarivanje svojih prava zaključivanjem ugovora – pristupnice. Odluku o prijemu u članstvo donosi Skupština Udruženja u skladu sa odredbama Statuta i Pravilnika o radu Skupštine. Udruženje ne može odbiti zahtjev za članstvo iz oblasti svoje djelatnosti (kolektivno ostvarivanje prava na naknadu za privatnu i drugu vlastitu upotrebu pisanih djela), osim ako je nosilac prava već sklopio ugovor za kolektivno ostvarivanje svojih prava u BiH iz oblasti djelatnosti Udruženja sa stranom kolektivnom organizacijom.

Prijem u članstvo u Udruženju stoga treba proći formalno glasanje u Skupštini (pogledati važeći Poslovnik o radu Skupštine), a glasa se o pristiglim Pristupnicama. Molimo da imate u vidu gorenavedene odredbe iz Statuta. Na ovoj sjednici će se glasati o prijemu u članstvo po pristigloj Pristupnici:

- Midhad Kurtović, Sarajevo, autor

Pristupnica je uredno popunjena.

10. Ostala pitanja.

Tehničke i logističke informacije

Mjesto održavanja

Skupština će se održati u Hotelu Holiday, Zmaja od Bosne 4, Sarajevo sa početkom u 15:00h.

Lokaciju Hotela Holiday možete pronaći ovdje:

<https://www.google.ba/maps/place/Hotel+Holiday/@43.8564247,18.4035641,15z/data=!4m5!3m4!1s0x0:0xa1538fbd6a8d4e68!8m2!3d43.8564247!4d18.4035641>

Putni troškovi

Putni troškovi (samo) za redovne članove koji nisu iz Sarajeva će biti refundirani prema važećim propisima (vozna karta ili račun za gorivo ne veći od 15%, na pređenu kilometražu pomnoženu sa cijenom litre benzina). Molimo Vas da imate u vidu da možemo pokriti putne troškove za jednog predstavnika pravnog lica – redovnog člana. Potrebno je da nam dostavite račun za gorivo ili kartu (autobus, voz). Način obračuna goriva je prema zvaničnoj cestovnoj udaljenosti. Putni troškovi će biti refundirani na Vaš račun (žiralno) nakon Skupštine. Molimo da popunite obrazac za refundaciju troškova prilikom registracije na Skupštini.

Nažalost, nismo u mogućnosti snositi troškove noćenja.

Prijava

Molimo Vas da Vaše prisustvo ili odsustvo obavezno javite na mail info@original.co.ba najkasnije 2 dana prije datuma skupštine (do 16.6.2020.godine). Skupštini možete prisustvovati i ako ne prijavite učešće ali za glasanje u odsustvu moramo imati informaciju kako biste dobili glasačke listiće na vrijeme i kako bi glasovi bili uredno prikupljeni.

Glasanje u odsustvu

Redovni članovi koji nisu u mogućnosti da prisustvuju sjednici Skupštine se trebaju javiti, najkasnije tri dana prije skupštine, kako bi im se dostavili glasački listići za glasanje u odsustvu. Njihovi glasovi će biti pročitani na sjednici Skupštine prilikom glasanja za određene tačke dnevnog reda.

Materijali

Svi materijali se dostavljaju članovima prije Skupštine putem e-maila. Molimo da iste pročitate i ukoliko smatrate potrebnim, sami printate materijale jer ih nećemo imati u printanom obliku na sjednici Skupštine.

Koktel

Po završetku sjednice Skupštine je predviđen koktel, u istom prostoru, na koji ste srdačno pozvani.

Ukoliko imate dodatnih pitanja, molimo da se obratite putem maila: info@original.co.ba

Radujemo se Vašem dolasku!